

Ekumeniska nutrnosć w Slepom

Sobotu, 17. nowembra 2018, před konstituowanjom Serbskeho sejma, zetkachu so w Slepjanskej cyrkwi zapóstanče a zapóstancy, iniciatorojo a hosćo sejma k ekumeniskej nutrnosći. Předowanje měješe farar Ingolf Kšenka z Janšojc. Katolik Alexander Pólk, čestnohamtski organist w Budyšinje a Chróscicach, přewodžeše wosadu na piščelach. Farar Kšenka předowaše wo bibliskim słowje: „Miłosć poskićće wšěm čłowjekam!“ (Phil. 4,4a). Słowo „miłosć“ pokazuje na našu kmanosć, čłowjeka w rozswětlerskim zrozumjenju zakonja a sprawnosće kaž tež čłowjeka w jeho byću, w jeho potřebnosćach a začučach připóznawać. Hladajo na Serbski sejm bu jasne, zo je tuta orientacija zakład a fundament demokratiskeho džěła, zo wona mjezsobnemu zrozumjenju w pluralistiskej towaršnosći słuži. Spěwaše a modleše so delnjoserbsce, hornjoserbsce a němsce. Próstwý přednjesechu Sofija Cyžec z Njebjelčic (tučasnje w Berlinje), Aneta Zahrodnikowa z Čiska a farar Kšenka. Bě to jara jimaca nutrnosć, kotrejež duch spomožnje na potom slědowace wuradzowanje wupružeše.

Hanka a Gerat Krawcec



Sofija Cyžec z Njebjelčic, Aneta Zahrodnikowa z Čiska a farar Ingolf Kšenka z Janšojc (wotlěwa) přednjesechu próstwý.